



Nuuk 23.maj 2019

UPA 2019/11

Jens Napätök, Partii Naleraq

## **2018-imut Nunatta Karsiata naatsorsuutaasa akuersissutigineqarnissaannik siunnersuut.**

(Aningaasaqarnermut Nunanilu Avannarlerni suleqatigiinnermut Naalakkersuisoq)

Nunatta karsiata naatsorsuutaasa 2018-imeersut akuersissutigineqarlutik suliarineqarnissaanut siunnersuummut maannakkut saqqummiunneqartumut Partii Naleqqamiit imatut oqaaseqaateqassaagut.

Maannakkut Nunatta Karsiata naatsorsuutaasa saqqummiunneqareernerani kukkunersiuinnermut ataatsimiititaliami suliarineqartussanngorlugit ingerlatseqqinneqassapput.

Kukkunersiuinnermi ataatsimiititalia aaliangersimasumik suleriaatsit naapertorlugit aammalu Nunatta karsiata kukkunersuisarnermi toqqammaviit taamatullu tunngavissat malillugit suliarineqassaaq.

Naatsorsuutit suliarineqarnerani kukkunersuisut toqqaannartumik uparuagassartaqartin-nagit naatsorsuutit saqqummiuttaraluaat, taamaattorli suleriaatsit naapertorlugit aammalu sulinnermi tunngavigisat naapertorlugit Kukkunersiuinnerniami Ataatsimiititaliap aappassaaneernissaanut naatsorsuutit saqqummiunneqartut suliareqqissaarlugit misissoqqissaarlugit uparuagassaasinnaasut suliarineqartarmata Partii Naleqqamiit sukumiisumik suliarilluarneqarnissaat kissaatigalutigu, makku pingaartillugit makku ilanngullugit maluginiaqqussuagut:

- Siunnersortinik avataaneersunik atuinermi aningaasartuutit annertuut.
- Allaffissornikillisaanissaq eqqarsaatigalugu aningaasartuutikillisaanissaq, tassalu aningaasat atunngitsoorneqarneranni ukiumut aningaasat sinneruttut ilaatigut atortariaqartarmata ukiup naajartulernerani nungunniarneqartarneri aningaasamut inatsisip ingerlatsinermullu inatsisip peqqutaallugit atuinikippallaartoqaraangat uparuartuisoqartarmat aningaasat siunertamut pitsaasumut atorneqarsinnaagaluartut nungunniannarlugit atorneqartarsinnaasut eqqarsaatigalgit pitsaanagerusumik siunertaqartumik pisariaqartitsivinnut atorneqartalersinnaanissaat eqqarsaatigalugu aqutissiuissussat ilanngullugit nalilersorneqarnissaat.
- Peqqinnissaqarfiup iluani aningaasartornaveersarnerit atugaasalersimanerat atuisunut sunniuteqapiluttarneri, tassalu sumiiffiit ilaanni nakorsiertut nunaqarfinniit illoqarfinniinneranni akiliisinniarneqartalersimaneri, allaat tusartarlutigit niui napinikut gipsiinnariarlugit angerlaqqullugit uffa nunaqarfinnut aqutissaqanngitsut unnuffissaqanngitsullu imaaliallaannaq akiliuteqanngippata napparsivinni unnuisinnaangitsut oqaaqqissarfigineqartarsimaneri. Taamatullu sumiiffiit ilaanni peqissariartut errorsinernut allarutinulluunniit akiliuteqartinneqartalersimaneri ilanngullugit nalilersorluaquagut, pissusissamisunngitsutut isigatigit.
- Taamatullu inunnut ikiorsiisarnerni tunngatillugu ikiorsiisarnernit assigiinngitsumik ingerlanneqartartut aamma ilanngullugit nalilersuiffigeqquneqarput, soorlu ilaatigut tapiisarnernit eqqarsaatigalugit utoqqarnut innarluutilinnullu ikiuinaveersaartarnerit kommunit assigiinngiaamik ingerlataqarfigisartagai toqqammavissai naammaginaruunersut,



Nuuk 23.maj 2019

UPA 2019/11

Jens Napätök, Partii Naleraq

ilaatigut taamatut inissisimasarsimasut igasinnaanatik aammalu aallaat inigisartik qimattariaqartarsimammassuk kiassaammut ikiorserneqarsinnaanngineq peqqutigalugu.

- Taamatullu ukiuni kingullerni annertoorejussuarmik akitsuutit qaffakkiartupiloorsimanerat nunap inuinit annertoorejussuarmik akiliisinnaassuseqarneranut sunnuteqangaatsialersimasut pilersaarutiniit annertunerungaartumik isertitsiffiusalersimanerat maluginiakkat ilagilluinnarpaat, nunap inui ilungersoreersut nioqqutissat akisorujussuareersut akitsorsaqqittuarneri akitsuutitsigut isertittakkat tungaatigut innarliigaluttuinnarneri maluginiagassaapput, taamatullu aalisartut eqqarsaatigalugu nunattta aningaasarsiornikkut pingaarnersaatut inissisimasut akitsuutsinik annertoorejussuarmik aallarfigineqartaarujussuarneri maluginiagassaaput allaat halv milliardit tungaanut ingerlalersimasut maluginiagassaapput tupaallannartut ukiualunnguit siornatigut annikitsuarsuullutik inissisimanikuusut maannakkut annertoorejussuanngorneri ilutigalugit aalisartu nutarterisarnissaanut inerisaaqqinnissaanut aningaasat atugassaralui innarlerneqarlutik siunissami ajornerusumik inissisimalinnginnissaat isiginiartariaqalersoq maluginiagasaavoq.  
Ukiarmi akitsuutit annertoorejussuit eqquteriarneqaraluarput uagut Partii sukataarluta pinaveersaartillugit qaqileriffigisagut, qujanartumillu tunuarterfigineqarput, ilami suut tamangajaasa akitsuusersornissaat eqquteriarneqaraluarpoq nunatta aningaasarsiornikkut pitsaanerpaamik ingerlanerata nalaani.
- Selskabiutitta sinneqartoortarlutik maannakkut innuttaasunut aningaasanik aallertarfittut atuleraluttuinnarnerat aamma maluginiagassat ilagilluinnarpaat. Nunap inui atugaasa ilungersunareersut aammalu inuuniapiloortisereersut qaavatigut taamatut selskabit atuisunut annertoorejussuarmik nunap inuinit aallertarnerata annertusiartuinnarnerat eqqarsarnartoqartipparput millionerpassuarnik sinneqartoortarlutik akileraatutit saniatigut taama annertutigisumik akilersuitinneqarnerat eqqarsaatigalugu.
- Sineriammi inuuniapiloorneq suut tamarmik akisoorujussuanngoraluttuinnarnerat innuttaasut illoqarfinni mikinerusuni aammalu nunaqarfinni annertunerusumik tusaaneqaratik inuuniapiloornertik atorpaat.
- Sanaartukkatigut allatigullu ineriartortitsineq assigiinngitsorujussuarmik inissisimalersimavoq

Kukkunersiunermut ataatsimiititaliami aamma qaqilerneqartussat aammalu suut eqqumaffigisasaanersut ilanngullugit nalilersuinissaat qularutiginatigu sulilluarnissaannik kissaallugit taamatut oqaaseqarluta Kukkunersiunermut ataatsimiititaliaq aappasaaneerinninnissamut sulilluarnissaanik kissaapparput.